



FOTO R. FEINER/52BESTEBAUTEN.CH

Betg la tur da Babel – mabain quella da Sevgein

■ (ls/fmr) Ina chasa sco ina tur, cun sulers, passadis e chombras, labirintic forsa sco ina tau-na da mieurs. L'edifizi en furma irregulara e cun in plan poligonal concepì da *Valentin Bearth*, *Andrea Deplazes* e *Daniel Ladner* è vegnì bajegià ils onns

1997/1998 a l'ur da Sevgein. Las fanestras da la chasa da lain cun lac grisch èn sparpagliadas e dattan liber la vista sin la Surselva. Immediat vegn endament il maletg d'ina tur medie-vala. La chasa a Sevgein tutga tar ils 52 edifizis che la Lia gri-

schuna per la protecziun da la patria preschenta online en il decurs da quest onn sut il titel «52 beste Bauten». L'idea è da sensibilisar per edifizis grischuns da valor culturala, bajetgs construids en ils onns 1950–2000.